

古今姓氏書辯證

附校勘記

三



古今姓氏書辯證

附校勘記

三

鄧名世撰

中華書局

古今姓氏書辯證

附校勘記

四

鄧名世撰

中華書局

古今姓氏書辯證

附校勘記

五

鄧名世撰

中華書局

古今姓氏書辯證

附校勘記

六

鄧名世撰

中華書局

古今姓氏書辯證

附校勘記

七

鄧名世撰

中華書局

古今姓氏書辯證

附校勘記

八

鄧名世撰

中華書局

叢書集成初編

古今姓氏書辨證（及其他一種）八冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

古今姓氏書辯證卷十三

十陽上

陽

出自姬姓。晉太夫陽處父爲大傅。其後有陽畢。楚令尹陽匄。字子瑕。生宮廐尹陽令終。令終生完及佗。魯陪臣有陽虎及其弟陽越。前燕有北平陽耽。其先徙居北平無終。西京雜記。司馬相如以所著鸛鷀裘。就市人陽昌買酒。又漢畫工。下杜人陽望。善布色。

楊

周宣王少子尙文。封爲楊侯。平陽楊氏縣。卽漢之河東楊縣也。幽王犬戎之難。楊侯失國。及平王東遷。寔依晉鄭。以楊賜晉武公。晉於是并有楊國。司馬侯對平公所謂霍、楊、韓、魏皆姬姓是也。晉武公生伯僑。伯僑生文。文生突。羊舌大夫也。食邑羊舌凡三縣。一曰銅鞮。二曰楊氏。三曰平陽。突生職。五子亦。肸。鮒。虎。季宿。赤字伯華。爲銅鞮大夫。生子容。肸字叔向。晉太傅。食采楊氏。生伯石。字食我。以邑爲號。曰陽石。又曰楊食我。食我黨於祁盈。盈有罪。晉并滅羊舌氏。叔向子孫逃於華山仙谷。遂居華陰。有楊章者。生苞。朗。款。苞爲韓襄王將。守修武。子孫因居河內。朗爲秦將。封臨晉君。子孫因居潁。款爲秦上

卿生頌。字太初。從沛公征伐。爲太史。八子。鷦、奮、彪、熊、喜、鵠。喜字幼羅。漢赤泉殿侯。生敷。字伯宗。赤泉定侯。生裔。字母害。裔生敝。字君平。丞相安平敬侯。二子。忠、惲。忠。安平頃侯。生譚。屬國安平侯。二子。寶、並。寶字稚淵。二子。震、衡。震子乘。乘子賜。賜子彪。四世太尉。震字伯起。五子。牧、里、秉、讓。奉。牧字孟信。荊州刺史。富波侯。二子。統、馥。十世孫孕。孕六世孫渠。渠生鉉。燕北平郡守。生元壽。後魏武川鎮司馬。生惠猷。太原郡守。惠猷生審。烈。審。汲郡太守。烈。平原太守。生寧遠將軍祥。祥生忠。隋太祖武元皇帝。太祖生堅。字那羅延。隋高祖文皇帝。文帝生太子勇。煬皇帝廣。煬帝生元德。太子昭。世宗孝成皇帝。昭生侑。侑。鄴國公。生行基。行基生棻。字德順。棻生溫。溫生幼言。皆嗣鄴公。倭字仁安。燕王侗。字仁謹。恭皇帝。煬帝名廣。子曠。字世拙。齊王生正道。唐尙衣奉御。正道生崇禮。戶部尙書太府卿。崇禮生慎餘。慎名。慎矜。慎餘。吏部郎中。少府少監。慎矜。戶部侍郎。生岳州刺史謙。慎名。洛陽令。觀王房。本出渠孫興。後魏興。○案。唐世系表作新。此作興。誤。平郡守。生國。國孫紹。後周特賜姓屋呂引氏。隋初復舊。後以士雄封觀王。士雄生恭。仁。相唐高祖。生思誼。思訓。思訥。思訓。左屯衛將軍。有傳。生左衛將軍嘉本。嘉本生慎交。慎交生洄。洄生悅。自慎交以下三世爲駙馬都尉。恭仁弟琳。○案。唐世系表作練。續。恭道。師道。續。都水使者弘農公。生思簡。思祥。思止。思止字不殆。唐潞州刺史湖城男。生執柔。執盧。愛業。執一。執柔相武后。師道相唐太宗。生豫之士雄。弟士貴。隋道撫二州刺史邢國公。士達。隋納言始安恭侯。皆有世系。至六世孫孕。五世孫隋輔國。

大將軍河東公贊。生初。光祿大夫華山郡公。初裔孫播。世居扶風。生炎。字公南。相德宗。炎生朗。殿中侍御史漢太尉震子奉。字季叔。後漢中書侍郎城門校尉。八世孫結。慕容氏中山相。二子珍。繼珍。魏上谷太守。生清和。太守眞。眞生懿。洛州刺史弘農簡公。懿生順津。順字廷伯。冀州刺史三門縣男。○案。唐世伯縣。徙居河中永樂。生琛。儀同三司平鄉縣公。琛生汪。字元度。隋梁郡通守。汪生唐庫部郎中令。令本生友諒。志謙。志詮。友諒。吳陵令。生宣州司戶參軍珣。珣生釗。後賜名國忠。相唐明皇。事具外戚及姦臣傳。四子暄。太常卿。曉。殿中少監。拙。鴻臚卿。駙馬都尉。暉。太子中允。志謙生蜀州司戶元炎。元炎生殿中監銑。次工部尚書元珪。元珪生太僕卿駙馬都尉錡。次國子司業元璣。生湖中刺史鑑。銑。銑皆國忠兄弟也。順弟津。字羅漢。後魏司空孝穆公三子。愔。暉。○案。後魏書及北史。暉字延季。乃津弟。此以暉爲津子。蓋沿唐世系表之誤。岐。愔字遵彥。北齊尚書令開府岐王。徙居遵武。自津及愔。並有名。四世同居。伯叔兄弟爲公卿三十人。遵彥生長安尉行表。○案。唐世系表以行表爲岐子。北齊書。愔二字。此以行表爲愔子。似誤。行表生敏及繇。繇字再思。相唐武后。中宗弟亮潤寂。潤字溫玉。唐國子祭酒朔城公。生回侃。侃白水令。生縝。紘。繪。綰。綰字公權。相代宗。生監察御史宏微。越公房。本出中山相結。次子繼。繼生暉。洛州刺史。諡簡。暉生河間太守恩。恩生越恭公鈞。號越公房。鈞生暄。字宣和。西魏度支尚書。生敷。字文顯。後周汾州刺史臨正壯武公。○案。隋書。敷諡忠壯。與此本互異。臨正二字亦疑誤。○案。後周楊敷傳。魏建義初。襲臨貞縣伯入周。歷進公。此源宋仁宗嫌名。故改眞爲正。敷生素。字處道。隋尚書令司徒楚景武公。生元獎。積善。元感。積善。

上儀同其孫悟靈唐饒塘令生寧州司馬幼烈幼烈生三水丞藏器藏器生道直濠州錄事參軍道直

生發假收嚴發生傑字文逸收字藏之相宣宗○案唐世系表作相繼宗考收以成嚴字凍之兵部郎中

○案唐書本傳及表俱云兵部侍郎此作郎中誤判度支生涉字文川相昭宗○案涉以哀帝天祐二年開中書門下平章事此與唐世系表皆云相昭宗誤子凝式有

名節自朱梁至周末嘗出仕常稱心疾官至太子少師素弟約慎岳岳隋萬年令蒼山公生宏禮宏文

宏武宏禮宏武相繼爲唐中書侍郎時號楊家二宏宏禮後爲太府少卿宏武相高宗生元亨元裕元

禧元禧元威皆刺史越恭公次子儉字景則西魏侍中封夏陽靜侯生文昇文休文昇文昇字文殊隋

刑部尚書吳州總管樂昌侯生安仁安仁生德立德立孫隱朝邵陽令生臨汝令燕客燕客生審及寧

寧國子祭酒四子汝士虞卿漢公魯士○案舊唐書以汝士爲虞卿從兄與施與分爲四院汝士字慕巢刑部尚書東川節

度贈太師三子知溫知遠知至知溫生開物開物生及善宏善慕義令慶○案唐世系表以及善以下爲開物弟安善作宏嘉今作全

知至生贊協格貽德虞卿字師臯工部侍郎京兆尹生知退元孫知權權思方壇堪○案錢希白南都新書虞卿生知退

知退生堪是以堪爲知退子與此異知退生贊禹贊圖緒案唐世系表知退生贊禹贊圖緒贊禹生澄贊圖生如初韋之緒生齊業齊業濟字之誤復以齊業作一人名誤元孫生球贊辭球生校六校七知權生旬恂恂生

康兒道冲碯生安期壇生延叟案唐世系表作史此誤堪生承休承休生巖字光遠仕吳越爲丞相有子八人

號吳越丞相房漢公字用文天平軍節度使檢校戶部尚書贈太保生思輝壽範鍾符○案唐世系表以符爲鍾子

知章、篆、筠、籀、管、思輝生沼、籀生寓、範生瑄、玢、璵、瑄生弘毅、弘敬、弘基、弘讓、弘烈、玢生思已、弘毅生正度、弘基生正禮、正諫、正升、正表、正用、正倫、正儀、魯士字宗尹、長安令、贈工部尚書、生希古、仁贍、思實、崇鼎、源嶠、希古生徵、仁贍生峴、嶠、思實生敬福、郁。○案南部新書：塢生承休，承休生嚴。嚴生郁，是郁爲虞卿四世孫。與此異。源嶠生雍凡、汝士兄弟四人，共有二十七子。○案：接此書汝士三子：虞卿七子：漢公十一子：魯十五子：共止二十六子。于數不合，考唐世系表尚有漢公長子：郇州刺史思嚴，此無之。蓋傳寫脫去。三十六孫，其間多知名者。文昇弟文偉，儉少子也。隋溫州刺史安平公四子：榮、士積、安濟、纂，榮生武州刺史師、駕部郎中泰溫、令恪，恪生國子司業元表、司勳郎中元政、元政生殿中侍御史志元、志元生成名、成規、成名生憑、疑、凌，憑字虛受，刑部侍郎京兆尹，生渾之，疑字茂功，司封郎中，生厚。○案：唐世系表作後之，字謙人。凌生同州刺史欽之。○案：唐世系表作敬之，此誤。欽之生江西觀察使戴，字贊業，越恭公少子，寬，字蒙仁，誼儉弟也。周總管宜陽公，生文紀，字溫範，隋荊州總管陽山。案隋書：文紀襲封華山郡公。此作陽山，誤。○份陰縣公，後改封上明郡公。此作陽山，本世系表。恭公，文紀生孝湛，孝儼，孝儼生宏毅，洛州長史，生瑾、珪、珪，辰州司戶參軍，生冠俗，奉天。○案：唐世系表作先，此天字誤。丞，冠俗生單父尉太清，太清生於陵，字達夫，左僕射弘農郡公，於陵四子：景復、衛尉卿嗣復，字繼之，相文宗，武宗生損及授，紹復字紹之，師復生拙，字藏用，又後漢益州從事楊疎，破賊有功，晉弘農楊氏，準有二子：喬、髦，皆幼，喬爲裴頠所重，髦則樂廣所知，準曰：我二兒，裴樂所優劣也。後周臨汾公楊莠，姓越勒氏，趙國楊忠，姓普六茹氏，儻城公楊紹，姓屋呂引氏。○案周書：紹初賜姓屋公引氏，後賜姓叱。

利。勇孫宏武。忠子隋文帝。紹子雄。皆復本姓。唐有三蠻。白馬氏之遺種。楊、劉、郝三族。世襲爲王。又松外蠻趙、楊、李、董爲貴族。

揚

漢成都揚雄。字子雲。生童烏。九齡能與玄文。今封子雲成都伯。從祀文宣王廟。

羊

出自周官羊人之後。以官爲氏。梁孝王客有羊勝。善詞賦。泰山南城羊氏。漢安帝時。司隸校尉。後漢書。授生儒。桓帝時爲太常。儒生續。字興祖。懸魚不食者。位南陽太守。生京兆太守祕。上黨太守衛太常。忱。祕生魏郡太守社。車騎掾。繇生四子。秉、給、式、亮。○案。此下當重亮字。晉大鴻臚。忱。晉侍中蒙陰侯。生楷。權楷生中書郎綏。權生桂陽太守不疑。綏生平輔。玄保。玄保生粲。戒。成。粲。宋廣州刺史。衛生發。承。祐。發。淮北護軍。生倫。暨。伊。倫。高陽相。暨。陽平太守。伊。鎮南將軍。暨生贈太常。曼。晉廬陵太守。忱。曼生賁。祕書郎。祐字叔子。晉侍中太傅。鉅平成侯。無子。以兄子篇嗣侯。位散騎常侍。玄孫法興。嗣侯。黨桓玄。誅。耽生右僕射瑾。輔國大將軍。開府儀同三司。甘露侯。璠。璠生玄之。晉開府儀同三司。與晉侯。唐開元五年。有太子詹事羊師度。充營田使。後魏羊祉。暴酷。人號爲天狗。赫連勃勃有征東將軍羊狗。謹按。舊書云。羊舌氏之後。有單姓羊者。誤矣。書羊斟仕宋時。羊舌氏之族。方爲強家。安得單姓之說。

洋

揚州海陵多此姓。自云因洋川爲氏。

良

出自姬姓。鄭大夫其族有良佐。

涼

魏志有昌邑太子太傅涼茂。山陽人。必其先封於涼。因氏焉。

香

士人游宦南方者云。二廣有香氏。不知其得姓之因。舊姓書未有此氏。謹按。劉向新序有香居諫齊宣王爲大室。王召尙書書之曰。寡人不肖。好爲大室。香子止寡人也。詳此。則六國已有香氏。今增入。

鄉

見姓苑。

商

出自商王之後。以國爲氏。紂時有賢人商容。周武王式其閭。孔子弟子有魯人商瞿。字子木。澤字子季。元和姓纂曰。衛鞅封商君。子孫氏焉。誤矣。左傳。齊大夫商子車。商子游。皆爲戎御。鄭大夫商成公。敝司。

宮者唐貞觀所定楊州廣陵郡四姓其一曰商。

房

清河房氏出自祁姓房陵

案齊封魯子丹朱於房爲房邑侯春秋時防清即其地唐武德爲房州陵丹宋之子也

二十五世孫鍾周昭王時食采靈

壽生沈沈十二世孫漢常山太守雅徙清河繹幕十一世孫植後漢司空植八代孫謀隨慕容德南遷

因居濟南四子裕坦遷熙號四祖裕孫後魏冀州刺史法壽孫翼仕至鎮遠將軍襲壯武伯二子熊豹

熊字子彪本州主簿生彥謙司州

○案唐世系表作謙

刺史彥謙生玄齡字喬松相唐太宗天下謂之房杜喬松

生遺直遺則遺愛遺直禮部尚書遺愛駙馬都尉遺直五世孫楷大理寺司直生魯字詠歸魯生重武

功尉重生大理評事謬謬生從約從釋從絢從綰遺愛有六世孫復及鄴鄴字正封玄齡齊州臨淄人

太尉梁文昭公河南房氏晉初有清河房乾使北虜留而不遣虜俗謂房爲屋引改爲屋引氏乾子

孫隨魏南遷復爲房氏後魏殿中尚書武陽公倫生北齊侍中吏部尚書謨謨生廣深恭懿恭懿隋海

州刺史生彥雲彥雲生元基唐倉部郎中元基生水部郎中元陽元陽生融

○案唐世系表以融爲彥雲子元基弟與此異

相

武后融生瑄字次律相肅宗瑄三子宗偃案唐世系表宗偃御史中丞乘祕書郎孺復容州刺史

元基弟元靜膳部郎中清漳公生肱肱生岳蠻陟武式俗密巖岡武與元少尹式宜欽觀察使

防

謹按後漢鍾離意傳。意爲堂邑令。縣人防廣爲父報讎。繫獄。其母病死。廣哭泣不食。意憐傷之。乃聽廣歸家。使得殯歛。丞掾皆爭。意曰。罪自我歸。義不累下。遂遣之。廣歛母訖。果還入獄。意密以狀聞。廣竟得以減死論。姓書未有。今增入。

方

風俗通曰。方雷氏之後。唐睦州桐廬人方干。以唇缺不第。有詩名。號元英先生。至今爲盛族。謂之鷓鴣方氏。鷓鴣地名也。

章

出自姜姓。齊太公支孫封國於鄆。左傳。齊人降鄆。子孫去邑爲章氏。神仙傳有章震。望出南郡。陳司空章昭達。唐右驍衛將軍章承嗣。梓州刺史章彝。湖州人。循王府長史章珪。杭州人。二族皆望出吳興。事見元和姓纂。唐貞觀所定濮州武陽郡七姓。泉州南安郡六姓。洪州豫章郡六姓。皆有章氏。

昌

出自黃帝子昌意之後。支孫氏焉。望出東海及汝南。西秦有隴西羌將昌何。

羌

西羌種族氏焉。